

86. De hoc puncto exstat lex 2. ff. de privatis delictis, qua sic habet. [Nunquam plura delicta concurrentia faciunt, ut ullius impunitas decet. Neque enim delictum ob aliud delictum minuit poenam. Qui igitur hominem subripuit, & occidit, quia surripuit, furti, quia occidit, Aquilia tenetur, neque altera harum actionum alteram consumit. Idem dicendum, si rapuit & occidit, nam & vi bonorum raptorum, & Aquilia tenetur.] Et lex 31. §. 1. ff. ad L. Aquil. [Si idem eundem servum vulneraverit, postea deinde etiam occiderit; tenetur & de vulnerato, & de occiso: duo enim sunt delicta, aliter atque si quis uno in petu pluribus vulneribus aliquem occiderit, tunc enim unica erit actio de occiso.] Ex quibus iuribus

87. Colligitur I. Ad hoc ut vulneratio & occisio censentur duo delicta in Jure, necessarium esse, ut fiant ex intervallo.

Colligitur II. Plures percussiones uno impetu seu una rixa illatas, etiam si percussus mortem non obierit, unicum delictum esse censendum, non plura, ut contra Bartolum notat Covarr.

Colligitur III. Quoties vel simul, vel ex iteratione criminis, sive statim sive ex intervallo, distincta & diversa crimina oriuntur, non ut unicum, sed ut plura crimina punienda esse; etiam si repetitio fiat ad eundem effectum, quod etiam est contra Bart.

Colligitur IV. Si ejusdem actus & criminis eodem impetu & continuatione iteratio fiat, unicum tantum crimen censendum esse.

88. Colligitur IV. Contra eundem Bart. si ejusdem criminis eodem impetu & continuatione iteratio fiat, v.g. percussio, vulneratio, unicum tantum crimen censendum esse ad publicam vindictam, quamvis gravius puniendum, etiam si teus non intendisset occisionem secutam; quia [Ctus non facit vim in intentione occisionis. Sic percussus Clericum quinque vel septies uno impetu, non nisi una canonica poena afficitur, & una sententia excommu-

nicationis feritur. Sic si Statutum statueret suspendium in furem reum trium furto, non comprehenderet illum, qui uno impetu & eadem occasione tribus attradationibus tribus diversis dominis tres diversas res auferret: quia mens statuti esset punire consecutum furandi, qua in tali casu non appareret, ut cum aliis tradit Covarr. lo. cit.

89. Colligitur V. Si ante punitionem primi actus ex intervallo actus iteretur circa eandem personam, una quidem poena sed auctiore puniendum reum, & sic quoad publicam vindictam fore unum crimen. Exemplum. Si quis in eadem lice ex intervallo sapius producat testes corruptos, ad finem victoriae. Secus si post punitionem primi actus, iterum produceret falsos testes. Quod autem dicit Covarruvias, etiam unica poena puniendum, qui sapius ex intervallo produceret falsos testes contra eundem quidem, sed ad diversum effectum, mihi dubium est, & magis propendeo in sententiam Bartoli, volentis poenam esse multiplicandam.

90. Dubium est, quomodo sit intelligenda glossa in legem vulgaris, ff. de furtis. qua licet dixerit in specie, cum quis alienam uxorem pluries cognoverit continuatione quadam, plura quidem videri adulteria, asserit tamen unicum tantum poenam illam continuationem puniendam. Bartolus docet, hoc ideo a glossa dictum esse, quod adulterium non possit pluries puniri, cum puniatur poena mortis. Verum, hoc acutè rejicit Covarruv. Nam quando condita est illa lex, nondum erat statuta poena mortis in adulterum, ergo non potuit hac esse mens glossae. Communissima ergo sententia, teste eodem Covarr. tenet, tunc illa plura adulteria propter continuationem unicum poenam, etiam si hac pecuniaria esset, punienda esse, quamvis cum aliquo augmento.

De Cumulatione poenarum ob cumulationem delictorum, iterum agam prope finem hujus tomi.

CAPUT II.

DE DELICTORVM SPECIEBVS, EORVMQVE POENIS,

Ordine Alphabetico discussis.

Quae alii DD. crimina in specie cum suis poenis sine ordine tractant, placuit ordine Alphabetico tractare, nam omnis alius ordo est difficilis & dubius, v.g. Si quis vellet secundum gradum atrocitatis aut gravitatis procedere, vel secundum majorem aut minorem eorundem similitudinem, prout aliqui minus feliciter attentarunt.

Abigeatus.

SUMMARIUM.

Abigei quinam in Jure dicantur. 91.
Quanam poena Abigeorum. 92.
Qui in stabulo abigunt pecus domitium, plenius coercentur. eod.
Qui animalia domestica minora, arbitrariè puniuntur. eod.
Abigeatus per se non est publici iudicii. 93.
Poena receptorum abigeorum. eod.

91. **D**E Abigeis exstat titulus ff. 14. libri 47. & in Codice 37. lib. 9.

Abigei dicuntur in Jure, qui pecora ex pacis vel armentis subtrahunt, vel ex stabulis, & sic depradandi & abigendi quodammodo artem profitentur. Unde, qui ovem errantem vel equum in solitudine haerentem abducit, animo retinendi, etsi fur sit, abigeus tamen necdum est, ut habetur rotidem prope verbis l. 1. §. 1. ff. h. tit. Quoad numerum vero sic statuitur l. 3. [Oves pro numero abactionum aut furem aut abigeum faciunt: quidam decem oves gregem putaverunt: porcos etiam quinque vel quatuor abactos, equum, bovem vel unum abigeatus crimen facere.] & §. 2. Qui sepius abegerint, licet semper unum vel alterum pecus surripuerint, tamen abigei sunt. nempe quia tales censentur professionem hujus artis facere.

92. De poena abigeorum sic statuitur l. 1. ff. h. t. [De abigeis puniendis ita D. Hadr. consilio Betice restripit. Abigei cum durissime puniuntur, ad gladium damnari solent. puniuntur autem durissimè non ubique, sed ubi frequentius est id genus maleficii. alioquin & in opus, & nonnunquam temporarium dantur.] Ratio est, quia frequentia delicti debet emendari medio magis absterrente.

Cujacius, more suo, hic singularem intellectum illius verbi ad gladium comminiscitur, quasi non sit intelligenda decapitatio, sed Ludus gladiatorius; sed non est audiendus.

Qui in stabulo abigunt domitium, plenius coercentur, ut habetur in l. 3. §. 1. ff. h. t. ubi nota, textum aliter legi ab Ant. Perez. qui sic scribit. Lenius etiam coercentur, qui in stabulo abigunt. prout ex graeca versione reponit Cujacius. Sed rectius retinent alii lectionem. plenius. nam qui in stabulo abigunt pecus, atrocius delinquant, quam si in sylva abigant, cum habeat adjunctam violentam irruptionem, magisque noxium domino.

Qui animalia minora domestica & civia abigunt, arbitrariè puniuntur, ut ansetes, anates, gallinas &c. ut tradit Damhouderus. sed in hoc consuetudo attendenda; qualis est in Belgio.

121. Obijci solet illud Brocardicum, & vulgare, quod Nobiles, divites, & digniores mitius puniendi sint, quam ignobiles, pauperes, & viliores conditionis homines. pro quo adducit textum ex lege 4. §. 1. ff. de incendio, ruina & c. ubi hujusmodi discrimina assignantur. [liberos quidem fustibus castos triennium relegabis, aut si fordidiores erant, in opus publicum ejusdem temporis dabis: servos flagellis castos in metallum dantibus; liberos fustibus, servos flagellis castos dimittere poteris, & omnino ut in ceteris, ita hujusmodi causis ex personarum conditione & rerum qualitate diligenter sunt aestimandae, ne quid aut durius, aut remissius constitutur, quam causa postulat.] Respondent communiter DD. illud axioma esse intelligendum, quando delictum non est constituta poena ordinaria a lege, sed arbitrio Judicis relinquatur. Quae responsio confirmatur ex dictis: nam licet hoc modo sit materialis poena diversitas, formaliter tamen & moraliter est aequivalens. nam fustigatio (ut insistant legis adductae exemplo) utique tam est ignominiosa homini libero, quam servo est flagellatio, & religio nobili quam ignobili damnatio ad viles labores, & sic de alijs. Deinde addi potest, hoc esse intelligendum in illis delictis, quae non fiunt facilius & frequentius a nobilibus quam ignobilibus, & ubi non est necesse, magis absterri nobiles quam ignobiles, item quando delictum non est in nobilibus tam periculosum & pernitiosum Republicae, si mitius puniatur, quam esset in plebeijs. v. g. delictum in jaculatione ferarum in sylvis Principum, ubi est graviter prohibita: nam nobiles non tam luci quam oblectationis gratia facere solent, e contra plebeij lucrandi gratia, & ideo non solum gravius nocent directè, sed etiam indirectè, negligendo functiones domi obeundas in bonum Republicae, & ad quas sunt ex sua conditione destinati, qui debent ab hujusmodi periculosa & otiosa occupatione magis absterri.]

122. Quæritur XXI. Quomodo Clerici in foro Ecclesiastico sint puniendi pro adulterio commisso. 22. Si Clericus crimen neget, deferatur illi purgatio canonica (si sit famam vel indicijs gravatus) & si se purgare non potest, suspenditur ad ordinem exercitio. cap. 5. de adul. ibi. [Prædicto autem Sacerdoti &c. purgationem indicat, quem si purgare se poterit, in officio suo ministrare permittas: alioquin ab officio suo ipsum suspendere non postponas.] De convicto autem vel confesso, extat can. 10. dist. 87. [Si quis Clericus adulterasse aut confessus aut convictus fuerit, depositus ab officio, communione cuncta, in monasterio toto vitæ suae tempore deturatur.] & can. seq. [Romanus Clericus crimine adulterij, quod admisisset perhibetur, à Clericatus ordine depositus in monasterio hic in

urbe Romana ad agendam poenitentiam ex nostra iustione detrusus est.] In terris Acatolicorum, eorum Pastores (ut vocant) poenam gladij puniuntur, & merito, quia Clerici non sunt, adeoque poenae Depositionis incapaces, Laicos Magistratui, utpote puri laici, sicut alij subiecti. Calum & Judicium Scabinorum de hujusmodi Pastore 69. annorum, Laudat Carpozovius. q. 62. n. 24. & laude dignum est. Sicut & illud quo dictantur poenam gladij adultero 87. annorum, qui ancillam suam impragnavit, ut ibid. refertur n. 47. unde colligitur, puniri etiam ordinariam poenam adulterium commissum à marito cum soluta, quod tamen Carpozovius superius negaverat esse adulterium.

123. Quæritur XXII. An minoribus pubertatem adeptis, possit ab adulterio inflijci poena ordinaria. Negant aliqui, volentes esse commiseratione dignos. Sed, meo iudicio, hæc non esset commiseratio, sed conniventia reprehensibilis, nisi aliquæ circumstantiæ intervenirent, veluti, si à mulieribus vehementer ad flagitium essent sollicitati, & forte etiam aliquo timore adacti, & tunc res arbitrio Judicis ponderanda relinquatur, quod etiam est conforme Ordinationi Carolinae, ubi art. 179. hoc Judici permittitur, adhibito peritorum prudentum consilio, prout moventur Judices in fine illius Ordinationis.

124. Quæritur XXIII. An ob multiplicatum adulterium, sive cum eadem, sive cum diversâ persona, debeat exasperari poena ultimi supplicij, quæ cum multiplicari non possit, exasperari tamen potest, ut sit in atrocissimis delictis, quando rei super imponuntur trahæ, ut sic ad supplicij locum trahantur, item quando candenti forcipe ustulantur brachia, amputantur prius manus &c. 22. Ex communi DD. hoc in adulterio multiplicato non reperiri statutum. Si tamen poena pecuniaria est statuta, non dubito, quin illa augetur possit. Quod si unum adulterium jam punitum est poenâ mitiore, & talis recidat, secundum statuta Bavarica poena exasperatur, donec ad ultimum supplicium perveniat, prout retuli loco supra citato. Videantur etiam quæ supra dixi de multiplicatione delictorum momentaneorum ad multiplicandam vel augendam poenam, & iterum seq. tractatu prope finem, de cumulatione poenarum. Quod autem hic dicit Carpozovius Adulterium numerari inter delicta successiva, etiam cum diversis personis iteratum, mihi non probatur.



Assa-

Assassinium.

SUMMARIUM.

AN ex quo capite Assassinium sit gravius homicidio factò ex ira vel odio. 125.
Quâ poenâ Assassinij afficiantur. 126.
De Jure Civili non est certa poena statuta. 127.
Qualis conatus sufficiat, morte non secuta. 128.

125. Quid sit Delictum Assassinij, & de ejus Ecclesiastica poena privationis asylj, seu immunitatis fugientium ad locum sacrum, explicui tract. precedente. Nunc de alijs ad hoc delictum spectantibus agendum est.

Quæritur ergo I. An, & ex quo capite Assassinium sit gravius homicidio simplicij ex ira vel odio factò. 22. Esse gravius ex eo capite, quod sit magis voluntarium quam illud, quod fit ex prædominante odio & impetu vindictæ. Declaratur ex illis quæ tradidit in opere Theologico lib. 2. agens de Voluntario: ubi tradunt Theologi, quod merus mali imminenti reddat actionem involuntariam secundum quid, cum econtra actio ex concupiscentia, seu lucro, potius augeat voluntarium. Jam verò, qui occidit ex odio, id facit ad leniendum dolorem animi, & averendum à se aliquod malum; at verò qui occidit ob acceptam pecuniam, vel spe illius accipientis à mandante & promittente, operatur ex amore lucri. Quod autem gravius etiam civiliter reputetur, occidere amore lucri quam ex odio, colligitur Legistæ ex lege 39. ubi talis casus habetur de muliere occidente partum. [Cicero in oratione pro Clu. au. scripsit, Milefam quandam mulierem cum esset in Asia, quod ab heredibus secundis accepta pecunia partum medicamentis sibi ipsa abegisset, rei capitalis esse damnatam. Sed & si quæ visceribus suis post divortium, quod prægnans fuit, vim intulerit, ne jam inimico marito filium procrearet, ut temporalis exilio coërceretur, ab optimis Imperatoribus nostris rescriptum est.]

Dices. Ratio allata non procedit in mandante (Assassinatore vocari solito) qui ex odio mandat, & tamen puniatur Assassinus. 22. Ideo puniri, quia facit se Assassinij participem, & si non essent mandantes, non essent mandatarij, adeoque nec Assassinij propriè dicti.

126. Quæritur II. Quâ poenâ hi Assassinatores aut Assassinij afficiantur. 22. In Jure Canonico c. 1. de Homic. in 6. de Assassinatore sic sta-

tuitur §. 3. in Conc. Lugdan. sub Innoc. IV. quo tempore maxime grassabantur Assassinij gentiles. [Sacri approbatione Concilij statutum, ut quicumque Princeps, Prælatus, seu quævis alia Ecclesiastica secularisve persona, quempiam Christianorum per prædictos Assassinios interfecti fecerit, vel etiam mandavit (quamquam mors ex hoc forsitan non sequatur) aut eos receperit, vel defenderit, seu occultaverit, excommunicationis, & depositionis à dignitate, honore, ordine, officio & beneficio incurrat sententias ipso facto: & illa liberè alij per illos (ad quos eorum collatio pertinet) conferantur: Sit etiam cum suis bonis omnibus tanquam Christianæ Religionis emulus, à toto Christiano populo perpetuò diffidatus (hoc est, ut impune occidi possit à quovis) & postquàm probabilibus constiterit argumentis, aliquem scelus tam execrabile commisisse, nullatenus alia excommunicationis, vel depositionis, seu diffidationis adversus eum sententia requiratur.] Neque refert, quod textus loquatur de illis, qui gentiliùm opera occidunt, nam per Christianum occidere est adhuc execrabilius, & adhuc militari ratio allata illis verbis, tanquam Christianæ religionis emulus.

127. In Jure Casareo nulla extat specialis poena in Assassinios aut Assassinatores constituta, ne quidem in Ordinatione Criminali Carolina. Unde, teste Carpozovio pro more jurisvis Regionis ea multum variatur. Alicubi enim ad locum supplicij petrabantur per caudam equi, si exilioris conditionis homo per assassinium peremptus est; honestiore occiso, vel Republicæ utili personâ, Rotâ tunduntur: aliquando permittitur insuper ustulatio, si fortè vis publica concurrebat: aliquando in frustra reus scinditur, postquam furcâ suspensus, vel alio supplicio peremptus est: alicubi, ut in Saxonia, Assassinator gladio plexus rotæ in altum erectæ injigitur: ipse verò executor, seu assassinus rotæ supplicij afficitur, prout ex Const. Carol. latrones.

128. Quæritur III. An, & qualis conatus sufficiat ad poenam assassinij, esto mors non sit secuta. Et quidem Jure Canonico poena statuta assassinatori locum habet, quando solum mandatum datum est, nulli alio conatu requisito, quod tamen DD. restringunt ad mandantem infideli, ex illorum hominum corpore, qui originaliter assassini dicti fuerunt. Quoad ultimum supplicium verò in hodiernis assassinis & assassinatoribus DD. non satis conveniunt. Aliqui enim putant, sufficere in assassino actum aliquem remotum, v. g. si accinctus expectet in loco occidendum. Sed benignior est sententia aliorum, qui volunt, poenam ordinariam tunc imponi posse, quando eventum est ad actum & conatum proximum, per assilum; pro qua sententia

